



**§ 37 naaportorlugu apeqqummut akissut - Kaali Olsen, IA, nunaqavissuun-
ngitsunik atorfinerlaanik oqaatsitigut kulturikkullu akulerutsitsineq**

7. september 2012
Sagsnr. 2012-071799
Dok. Nr. 994200

Postboks 1037
3900 Nuuk
Tlf. (+299) 34 50 00
Fax (+299) 32 46 14
E-mail: oed@nаноq.gl
www.nаноq.gl

Asasara Kaali Olsen,

Oqaatsit, kulturi, inuiaqatigiit, politikikkut oqaluttuarisaanikkullu ineriartorneq il. il. pillugit Namminersorlutik Oqartussani atorfinitsitsisarnermi politikki pillugu apeqqutinnut qujanaq.

1. *Naalakkersuisut nunamut attuumassuteqarneq nunallu oqaasiinik, kultuuriinik, inuia-qatigiinnik, politikikkut oqaluttuarisaanikkullu ineriartorsimaneranik il.il. ilisima-saqarnissaq atorfinitsitsisarnermik politikkiminni qanoq pingaartitsigaat?*

Naalakkersuisut kulturikkut oqaatsitigullu akulerutsitsineq pingaartitorujusuaat, atorfiup pineqartup siumut isigisumik qanoq pilersaaruteqarfigineqarne-
ra atorfinittullu aaqqissuussaannikkut inissisimamera apeqqutaatillugit.
Allattariarsornermi oqaluttariarsornermilu marluinnik oqaaseqarnissaq soorlu
assersuutigalugu piumasarineqaraangat, tamanna allanneqartarpoq.

2. *Namminersorlutik Oqartussat atorfinitsitsinermi politikkiminni malitassiorsimap-
pat qaqugukkut sulisunik nunanit allaneersunik, tassunga ilaallutik ilinniaga-
rtuunik – atorfinitsitsisoqarsinnaanersoq, assersuutigalugu maani nunaqartunik
marluinnillu oqaaseqartunik naammattumik piginnaasalinnik aamma qin-
nuteqartoqarsimatillugu? (inuit ukiut marluk sinnerlugit najugaqarsimasut as-
sersuutigalugu tassaasinnaapput maani nunaqartutut uani pineqartut)*

Qaqugukkut nunaqavissumik atorfinitsitsisoqassanersoq pillugu malittarisassa-
nik aalajangersaasoqarnikuunngilaq. Taamaattorli angallannermi/assartuinermi
il. il. aningaasartuutit aningaasaqarniarneq pissutigalugu sapinngisaq tamaat kil-
lilersimaartinnissaat eqqumaffigineqarpoq.

Kalaallit Nunaannut suliffissarsiortut killilersimaarnissaat pillugu Inatsisartut
inatsisaanni nr. 27-mi, 30. oktober 1992-imeersumi nunaqavissoq nas-
suiarneqarpoq. § 4-mi, imm. 1-imi allassimavoq, issuaaneq aallartippoq: "Atorfi-
nitsitsinermi inuk immikkut ittumik Kalaallit Nunaannut attuumassuteqartutut isi-
gineqassaaq, pineqartoq ukiut kingullit 10 ingerlaneranni ukiuni arfineq-
marlunni Kalaallit Nunaanni najugaqavissimaguni", issuaaneq naavoq.

3. *Namminersorlutik Oqartussani suliffeqarfinnilu taassuma ataaniittuni qanoq akulikitsigisumik sunillu peqquteqarluni atorfinitsitsinerni nunami pissutsinut oqaatsinullu ilisimasaqarnissamik piumasaqaat malinneqartannginnersoq kisitsisitigut takussutis-seqquneqarpoq?*

Namminersorlutik Oqartussani suliffeqarfinnilu taakkua ataaniittuni atorfinitsitsinernut atatillugu qanoq akulikitsigisumik suullu tunngavilersuutigalugit nunamik matuminnga oqaatsitsinnillu ilisimasaqarnissamik piumasaqaateqarnerup atunngitsoornera pillugu kisitsisaateqartoqanngilaq.

4. *Namminersorlutik Oqartussat sulisoqarnikkut politikkiminni sulisunik allamiunik inuiaqatigiinnut kalaallinut akuunerulertitsiniarnermut qanoq ittunik najoqqutas-saqarpat qanorlu periuuseqartarpat?*

Aningaasaqarnermut Sulisoqarnermullu Aqutsisoqarfimmi Sulisunik Piginnaanngorsaanagermut Immikkoortortaqaarfik aaqjissuusaanermik sulisunillu ineriartortitsinermik, sulisunik atorfinitsitsisarnernik sulisunillu soraatsaaiuinermik, piginnaanngorsaanagermik, suliffimmi atugarissaanermik misissuinernik, sulisunut politikkeqarnermik il. il. suliaqarpoq. Namminersorlutik Oqartussat sulisitsisutut sulisumik nunap matuma kulturianik, oqaluttuassartaanik oqaatsitsinnillu sapinngisaq tamakkerlugu ilisimasaqarnissaat soqutigisarilluinnarpaa.

5. *Namminersorlutik Oqartussani suliffeqarfinnilu taassuma ataaniittuni sulilerlaanut tikerlaanullu nunap oqaasiinik kiisalu kalaallit kulturiinut, inuiaqatigiinni pissutsinut, naalackersuinikkut oqaluttuarisaanikkullu ineriartornermut, il.il. tunngasunik pikko-rissarnernik pinngitsoorani peqataaffiusussanik Naalackersuisut aallartitsilersaarpat?*

Namminersorlutik Oqartussat Qitiusumik Allaffeqarfissuanni avataanit suliarortutik tikittussat tikittullu Danmarkimi Nuummilu paasisutissiinertalimmik pikko-rissartinneqartarput.

Sulilersussanik nutaanik avataaneersunik pikkorissartitsisarnerit taakkua siunertaraat kalaallit kulturiannik ilisarititsinissaq kiisalu sulisunut nutaanut tamanut Namminersorlutik Oqartussat suliffeqarfittut ilisaritinnissaat – taakkununnga ilanngullugit kulturi, oqaatsit, oqaluttuarisaaneq, ineriartorneq il. il.

Inussiarnersumik inuulluaqqusillunga

Maliina Abelsen